

## AMANSAN MPAEMUKA A EFA ONIPA BIARA KYEFA HO

### NHYENMU

Esiane se nidi ne biakoye ne hokwan a adesamma abusua no wo no ne ahofadi, atentrenee ne asomdwoe a ewo wiasa no nhyease,

Esiane se obu a wommu ne animtiaa a wode bu onipa biara Kyefa no akowie atirimodenne ahorow mu no apusuw wiasa no ahonim, ne ohwε a yehwε kwan se wiasa bi reba a adesamma benya ahofadi wo okasa ne gyidi ho, na wabɔ dawuru se osuro ne ohia jo ahofadi ne omanfo botae,

Esiane se nea ebeye na omanfo remfa atuataw kwan so se nea etwa to de atu atirimoden ne nhyeso agu, nti, ese se yede mmara sodi bo onipa biara kyefa ho ban,

Esiane se eho hia se yebema ayonkofa abeda aman horow ntam,

Esiane se nnipa a wowa Amanaman Nkabom no Mmara no mu no agye se wogyε onipa biara kyefa tom, na wogyε tom se onipa desani biara nya ne kyefa, nidi ne osom a wosom bo; afei wogyε mmarima ne mmea Kyefa tom, na wobo mmoden se wobema omanfo atu mpon wo asetena pa mu wo ahofadi bebreε mu,

Esiane se Kuw Mma ahyε bo se wone Amanaman Nkabom mo beye biako de ama aman nyinaa anya obu ama onipa biara kyefa ne ahofadi ahorow no

Esiane se Kyefa ne ahofadi ahorow ho hia sen biara na ama bohyε yi aba mu koraa nti,

Ende, Afei,

Kuw Kεse No

Pae mu ka

Amansan Mpaemuka a efa Onipa Biara Kyefa ho no

Se mmodenbo gyinapen ma nkurɔfo ne aman nyinaa, a yen botae ne se nnipa nkorenkore ne aman nyinaa bekaε saa Mpaemuka yi bere nyinaa, na wonam okyerεkyerε ne nhomasua so akyerε obu ama saa kyefa ne ahofadi ahorow yi, na wode nkakrankakra ama nnipa a wowa won a wowa amannone ate ase, agye

atom, adi so pεpεεpε wɔ nnipa a wɔwɔ Kuw Mma no ankasa man mu, ne ɔmanfo a wɔtete wɔn nsasesin mu.

### **Ahyɛde 1**

Wɔawo adesamma nyinaa sε nnipa a wɔwɔ ahofadi. Wɔn nyinaa wɔ nidi ne kyɛfa koro. Wɔwɔ adwene ne ahonim, na εsε sε wobu wɔn ho wɔn ho sε anuanom.

### **Ahyɛde 2**

Esε sε obiara nya kyɛfa ne ahofadi ahorow a wɔaka ho asem wɔ Mpaemuka yi mu no a nnipa animhwε anaa nyiyim nni mu, te sε ebia abusua a ofi mu, ahosu, sε ɔye ɔbea anaa ɔbarima, sε ɔka kasa bi anaa ɔwɔ kuw bi mu, sε ɔwɔ ahode, sε wɔwoo no ɔkwan bi so no mfa ho koraa.

Bio, wɔrenye nyiyim biara esiane obi amanyɔ anaa ɔman anaa asase a obi fi so no nti. Emfa ho hwee sε ɔman no de ne ho anaase ebata ɔman foforo bi ho, anaa nso enni n; ankasa ho so, anaase ɔman foforo bi na edi wɔn so.

### **Ahyɛde 3**

Obiara wɔ nkwa, ahofadi ne ne nipaban ho ahobanbɔ.

### **Ahyɛde 4**

Wɔremfa obiara nkɔ nkoasom anaa nkoayε mu. Wɔabara nkoasom ne nkoato ne nea εtete saa nyinaa.

### **Ahyɛde 5**

Ensε sε wɔde aninyanne, atirimɔden, ne nea emfata sε wɔde ye nnipa anaa ayayade biara twe obiara aso.

### **Ahyɛde 6**

Mmara mu no, onipa biara wɔ ho kwan sɛ wogyɛ no tom sɛ onipa.

### **Ahyɛde 7**

Nnipa nyinaa yɛ pɛ wɔ mmara anim, na ɛsɛ sɛ wɔnam mmara so bɔ obiara ho ban a nyiyim biara nni mu. Obiara wɔ banbɔ koro no ara a esiw nyiyim a ɛsɛ Mpraemuka kwan no kyɛfa no bi.

### **Ahyɛde 8**

Obiara wɔ nea ne man asennii mmara ahyehyɛ ato hɔ a wɔyɛ de pata nea obi afom no no hokwan ana kyɛfa.

### **Ahyɛde 9**

Wɔrenkyere obi, mfa no nto afiase ana wɔremfam no mfi ne man mu ɔkwa are kwa.

### **Ahyɛde 10**

Obiara wɔ hokwan sɛ asennifo a wonni obiara afa a wɔnyɛ nyiyim di n'asɛm wɔ peteem sɛnea wɔyɛ onipa biara, de kyɛrɛ ne kyɛfa ne n'asɛde ahorow wɔ mmarato bi a wɔde tia no ho.

### **Ahyɛde 11**

1. Asɛm a obi di na odi mu fɔ ma wɔtwe n'aso no wɔremfa nto onipa biara so gye sɛ wɔnam mmara so adi onii no asɛm wɔ n'akyigyinafo anim abu no fɔ ansa.
2. Sɛ obi yɛ bɔne bi na akɔyiri yi wohu sɛ anka ɛsɛ sɛ wɔtwe n'aso, nanso bere a onii yo yɛɛ saa bɔne no, na ne man ana ne man ne aman foforo bi mmɔɔ mu nyɛɛ mmara bi a etia bɔne no a, ende ɛnsɛ sɛ wɔtwe ɔdebɔneyɛfo no aso. Saa ara nso na wɔreemfa asotwe a emu yɛ duru mma bɔne bi nsen nea ɛwɔ hɔ bere a wɔyɛɛ saa bɔne no.

## Ahyɛde 12

Wɔremfa nea mmara nnim biara so nhiahia obiara ho wɔ ne kokoamsɛm, n'abusua, ne fi ne ne mfɛfo ntam aɛm bi ho. Saa ara na wɔrentiatia ne nidi ne n'anuonyam so. Obiara wɔ banbɔde yi kyɛfa a mmara taa akyi.

## Ahyɛde 13

1. Obiara wɔ kyɛfa anaa hokwan sɛ okyinkyin anaa ɔtena baabiara wɔ nea ne man ahye ano kɔka.
2. Obiara wɔ ne kyɛfa anaa hokwan sɛ ofi ɔman biara mu, a n'ankasa de ka ho, na ɔsan kɔ ne man mu bio.

## Ahyɛde 14

1. Obiara wɔ kyɛfa anaa hokwan sɛ esiane amanyɛsɛm ho ɔtaa bi nti ɔkɔ ɔman foforo bi mu kɔpɛ guankɔbea.
2. Saa Kyɛfa anaa hokwan yi yera bere a guankɔ no nnyina amanyɛsɛm mu amanenya anaa Amanaman Nkabom gyinae so.

## Ahyɛde 15

1. Obiara wɔ kyɛfa anaa hokwan sɛ ɔye ɔmanba wɔ baabiara.
2. Wɔremfa biribi a ennam mmara so nsiw obiara manbayɛ ho kwan. Sɛ obi pɛ sɛ ɔsakra ne manbayɛ fi baabiara nso a, wɔrensiw no kwan.

## Ahyɛde 16

1. Sɛ mmarima anaa mmea bi du wɔn mpanyin afe so, na wɔn abusua, wɔn man anaa wɔn asɔre mu nhyehyɛe nsiw wɔn mu ni kwan a, ende wɔwɔ kyɛfa anaa hokwan sɛ wɔware kyekye abusua. Wɔn nyinaa wɔ aware mu kyɛfa pɛ wɔ wɔn aware ne wɔn awaregu berem.

2. Okunu ne ɔyere nko ara na ɛɛɛ sɛ wɔpene so ka wɔn aware bom sɛ awarefo.
3. Okunu ne ɔyere ne mma abusuabɔ no ne kuwye abɔse fekuw biara mu, ɛɛɛ sɛ fekuw anaa ɔman no bɔ saa abusuakuw yi ho ban.

### **Ahyɛde 17**

1. Obiara wɔ ho kwan sɛ ɔno nko ara pɛ ahonyade anaase ɔne afoforɔ pɛ bi.
2. Wɔremfa nea eenyina mmara so nnye obi ahonyade mfi ne nsam.

### **Ahyɛde 18**

Obiara wɔ adwenem nsusuwii, ahonim ne nyamesom biara a ɔpɛ ho kyɛfa anaa ɛho kwan. Saa kyɛfa anaa hokwan yi ma obi de ne ho sɛ ɔbesakra ne nyamesom anaa ne gyidi, ɛma obiara de ne ho sɛ ɔhwehwɛ ankorankoro anaa ɔdodow nyamesom, anaa ɔne afoforo bom som wɔ peteem anaa kokoam, nam so yi ne nyamesom anaa gyidi adi wɔ kyerekyere, nneyɛɛ ne ɔsom mu.

### **Ahyɛde 19**

Obiara wɔ ne kyɛfa anaa hokwan sɛ ɔka n'adwene ne nsusuwii. Saa kyɛfa yi ma obiara kura ne nsusuwii mu a obiara nnye no asabawmu. Ɔwɔ hokwan sɛ ɔhwehwɛ anaa otie adesuade ne nsusuwii biara, na ɔno nso nam ɔkwan biara so ma afoforo te a aman ahye nsiw eyi ho kwan.

### **Ahyɛde 20**

1. Obiara wɔ hokwan sɛ ɔkɔ asomdwoe nhyiam ase anaa ɔdɔm fekuw biara.
2. ɛnɛɛ sɛ wɔhyɛ obiara sɛ ɔnkɔdɔm fekuw bi.

### **Ahyɛde 21**

1. Obiara wɔ hokwan sɛ onya kyɛfa wɔ ne man mu Aban mu, sɛ ɛyɛ tee anaa ɛnam ananmusifo so.

2. Obiara wɔ kyɛfa koro wɔ ne man nu ɔsom adwuma ho.
3. Ɔmanfo no pɛ na ɛbeyɛ Aban no nnyinaso. Wɔnam abatow a wɔnam so paw nnipa a ɛyɛ kokoam ɔdodow adeyɛ a wɔahyehyɛ ne bere ato ho so na ɛbedɔ ɔpɛ yi adi.

## Ahyɛde 22

Onipa biara, sɛ ɔyɛ fekuw muni yi, wɔ ne kyɛfa wɔ akyigyina a ɔman no anaa ɔman no ne aman afoforo abom apere anya no ho sɛnea ɔman no nhyehyɛ ne sikasɛm te. Onipa biara wɔ sikasɛm, ɔmanbayɛ ne amammerɛ ho kyɛfa a ɛho hia ma ne nidi ne ne nipasu.

## Ahyɛde 23

1. Obiara wɔ adwumayɛ ho kyɛfa, ɔde ne ho sɛ ɔpaw adwuma a ɔpɛ sɛ ɔyɛ, ɔwɔ adwumayɛ mu nhyehyɛ pa ne emu banbɔ no ho kyɛfa.
2. Obiara wɔ adwumayɛ ne ɛso akatua a wɔde ma no ho kyɛfa a nyiyim biara nni mu.
3. Obiara a ɔyɛ adwuma no wɔ ne kyɛfa a ɛsɛ sɛ onya wɔ akatua a ɛfata a ɛbɛma ɔne n'abusuafo anya atenayɛ a ɛfata onipa nidi ho. Sɛ ehia nso a, ɛsɛ wɔde fekuwbɔ mu akyigyina ka ho.
4. Ɛyɛ obiara kyɛfa sɛ ɔhyɛ adwumayɛfo fekuw ase anasɛ nso ɔdɔm bi, na ɔnam so bɔ ne yiyedi ho ban.

## Ahyɛde 24

Obiara wɔ ɔhome ne bɔnnɔdi bere ho kyɛfa. Nnɔnhwerew a wɔahyehyɛ sɛ wɔde yɛ adwuma a ɛmmoro so ne adwuma mu akwamma bere a wotua odwumayeni no ka nso ka ho.

## Ahyɛde 25

1. Obiara wɔ ne kyɛfa anaɔ hokwan sɛ ɔne n'abusuafo nya asetena yi mu yiyedi a ɛma ɔne n'abusuafo nya ahooden ne asetena pa. Aduan, adurade, aɸi, ayaresa ne fekuw mu ɔsom adwuma nso ka ho. Saa ara nso na ɛye obiara kyɛfa sɛ onya akyigyina a wɔde ma obi a onni adwuma bi ye anaɔ ɔyare anaɔ odi kuna anaɔ wabɔ akora anaɔ aberewa anaɔ asetena mu ahyiakwa mma n'ani nwie gye wɔ asetena mu ho.
2. Ɛsɛ sɛ wɔde ɔhwɛ pa hwɛ ɔbaatan ne ɔba biara. Ɛmfa ho hwee sɛ mmofra bi ye awarefo mma anaɔ mpenafo mma. Ɛsɛ sɛ wɔn nyinaa nya wɔn kyɛfa wɔ asetena mu banbɔ ho.

### Ahyɛde 26

1. Obiara wɔ ho kwan sɛ osua ade. Anyɛ yiye koraa no, ɛsɛ sɛ obiara nya sukuukɔ anaɔ adesua kwa wɔ ne mmofraase wɔ nneɛma nketenkete bi ho. Ɛsɛ sɛ wɔde ɔhyɛ to ho ma obiara nya mmofraase adesua. Mfiridwuma ho adesua ne dwumadi ahorow no sua anaɔ sukuupɔn mu adesua ho de, obiara benya ne kyɛfa sɛnea n'adwene ne ne mmɔdenbɔ kyɛɛ.
2. Ɛsɛ sɛ adesua nyinaa botae ye nea ɛhwɛhwɛ nkɔso ma onipadua ne obu mu denhyɛ ma adesamma kyɛfa a ɛfa nnipa ahofadi horow no ho. Eyi bɛma ntease, denyɛ ne ayɔnkofa aba aman, mmusua anaɔ asɔre horow nyinaa ntam. Ɛbɛhyɛ Amanaman Nkabom no den ama asomdwoe aba wiase.
3. Awofɔ wɔ kyɛfa anaɔ hokwan a ɛso sɛ wɔbɛpaw nhomasua ko a wɔpɛ ama wɔn mma.

### Ahyɛde 27

1. Obiara wɔ ne kyɛfa anaɔ hokwan sɛ ɔde ne ho fra kwasafɔ amammerɛ mu. Ɔwɔ ne kyɛfa anaɔ hokwan wɔ mfaso a efi nyansasua ne abɔdemuhwehwɛ mu ba no mu.

2. Obiara wɔ nnepa a efi abɔdemuhwehwɛ, nhomasua anaada nsaanodwuma adeyɛ bi a ɔde ne nsusuwii ama aba no mu kyɛfa.

### Ahyɛde 28

Obiara wɔ ho kwan sɛ onya fekuw anaada amanaman nhyehyɛe a ekura kyɛfa ne ahofadi horow a wɔaboboɔ din wɔ Mpraemuka yi mu no mu.

### Ahyɛde 29

1. Obiara wɔ ne kwasafɔ asɛde a eno mu na sɛ ɔyɛ a, ɔnam so ma onyin a ne nipadua nyin no wie pɛyɛ.
2. Ansa na obiara benya ne kyɛfa ne ahofadi no, gye sɛ ɔno nso ayɛ nea mmara hwehwɛ wɔ ne ho sɛ ɔyɛ ma afoforo ma wɔn nso nya wɔn kyɛfa ne ahofadi. ɛsɛ sɛ onii no bo ɔbra pa, na ɔkyerɛ obu ma guasodeyoɔ ne ɔdodow amammu mu yiyedi.
3. ɛnsɛ sɛ saa kyɛfa anaada ho kwan ahorow yi yɛ nea ene Amanaman Nkabom no atitimpɔw ne gyinapɛn bo abira.

### Ahyɛde 30

ɛnsɛ sɛ onipa biara kyere nsem a ewɔ Mpraemuka yi mu no ase sɛ eyɛ ade bi a ema ɔman, fekuw anaada onipa bi kyɛfa anaada tumi, nam so sɛe kyɛfa ne ahofadi horow a wɔaboboɔ din wɔ nhoma yi mu no.